

INUIT ATAQATIGIIT INATSISARTUNI



UKA2022/177

17.11.2022

Harald Bianco

Inatsisartunut qinersisarneq pillugu inatsit allanngortikkusunneraat, nunat-sinni najugaqarsimanissamik piumasaqaatip sivitsorneqarsinnaanera pillugu apeqquteqaat aallaavigalugu oqallinnissamik siunnersuut.

(Inatsisartunut ilaasortaq Doris J. Jensen, Siumut)

Oqallisissiamik siunnersuuteqartoq Inatsisartuni Ilaasortaq Dorris J. Jensen Siumut siunnersuuternut qujanaq. Kiisalu Naalackersuisut akissuteqaataannut qunajaq.

Ukiaq manna nunarsuarmioqataanitsinni, tassanilu inuit pisinnaatitaaffitsigut Naala-gaaffiit Peqatigiit aalajangersagaannut assigiinngitsutigut akuunnisatsinni ilanngunnis-samik suliaqallattaavugut, tamannalumi aamma sioqqullugu suliaqallattaasarluta. Taa-maaliornitsigut nunami najukkami innuttaasutut akisussaataaneq pisussaaffittut pit-saasumik inissinneqarlunilu aalajangerneqartarpoq.

Siusinnerusukkut massakut sammisamut assingusumik Inatsisartuni sammisaqartar-simanerni ersersinneqarpoq, nunagilikkami pisinnaatitaaffinnik (uani qinersisinnaaneq pineqarluni) sulianut Naalagaaffiit Peqatigiit aalajangersagaannut naapertuuttumik Inatsisartuni aalajangissoqartarsimasoq. Allatut oqaatigalugu, nunamut nuuffimmut pigaanni piffissap sivisunngitsup iluani pisinnaatitaaffinnut ilanngunnissaq nunagilikka-mi pingaartinneqartartoq, tamakku aamma nunatsinni malinneqarneri pissusissami-soortoq Inuit

INUIT ATAQATIGIIT INATSIARTUNI



Ataqatigiinniit isumaqarpugut. Eqqumiissaarmi nunagilikkamut nuussima-
gaanni, piffissallu sivisuup iluani inuttut pisinnaatitaaffiit ilaannut
ilanngussinnaanngik-kaanni, nunagilikkami ineriartortitseqataanissamut
piumassuseqaraluarluni.

Ullumikkut naalagaaffiup ataani inissisimatilluta, oqallisissiap siunertaatut
aalajanger-saanissaq nalequtinngitsoq Inuit Ataqatigiinniit isumaqarpugut.
Naalagaaffimmimi innutaaqataagaanni 18-ileereersimagaannilu, inuillu
attattorsimaffianut nalunaarsor-nerup kingornagut ullut arfineq-marluk
qaangiunneranni qinersisinnaatilaalertoqartar-mat.

Maanna nunatta namminiilivinnissaa siunnerfiusoq tamatta nalunngilarput,
allaat ataasimiiititaliarsuaqarluni tassunga tunngasumik suliaqartumik. Inuit
Ataqatigiinniit ataasimiiititaliarsuup suliaqarnera ataqqqissaarparput,
nalunnginnatsigu taamanikkus-samut inuiattut suut pisinnaatitaaffigalugillu
pisussaaffigilissagivut sulianut ilaatinne-qartussaammata.

Taamatut naatsumik Inuit Ataqatigiinnit oqaaseqarluta oqallittuarnissamik
kissaassivu-gut.

Qujanaq.